



www.BibleForChildren.org

Stz'ib'en Matey 8



Ntons aj tky'iklen oxe q'ij, nkyeq'ijlan tuq txq'an xjal tuj amaq' Kana tuj tkwentil Galiley kyoklen mojlet kab'e' xjal. Te tnan te Jesus atqet tuq tzi, b'ix te Jesus kyuky'i kye txnaq'atz ax kyetz eb'ajxik uk'le' tzan kyq'ijlan.



Yaji omankun te kyuk'a' ta'al ub, b'ix tzaj tnan te Jesus, oxik tq'uma' te Jesus ikxjani: «Ma'tx mankun te ta'al ub.» Yaji te tnan oxik tq'uma' ikxjani kye a'e' aj nkyesipan tuq kywe' kye xjal: «Intqet ek'ulu' kyaqil aj otzajel tq'uma'.»



Oxik tq'uma' te Jesus kyetz ikxjani:
«Intqex enojša' kye q'awub' tuky'i a'.»
Ntons oqet kynojša' kye q'awub' b'ix
ejaw lib'an. Yaji te Jesus oxik tq'uma':
«Intjatz etin ch'in b'ix intxik etin
tuky'i te xb'uqil te q'ij.»
Ntons oxik kyin.



Aj txik tniky'b'e' te xb'uqil te q'ij, te a' ojetq tuq
tz'ok ta'al ub, b'ix te xjal k'onti'l tuq te b'en ja'
otzaj te ta'al ub, per kye
mosj kyeb'enky qa cha a'
tuq tb'ay. Tzaj te xjal,
otzaj tuk'le' te ichan
aj njunan tuq b'ix oxik
tq'uma' tetz ikxjani:
«Kyaqil kye xjal
tb'ay nqet ksi'
te aj b'an tb'anil
ta'al ub.»



«Ya oj tjatz kygan kyaqil, nqet ksi' te aj nya'tx
b'an tb'anil. Per te aj ma qet asi' max tmankb'ilxi',
mas b'an tb'anil twitz
te junky aj ma'tx
xik quk'a'.»



Ntons te ja ntzani aj oqet tk'ulu' te Jesus tuj te
amaq' Kana tuj tkwentil Galiley a te
tb'ay yek'b'il aj oqet tk'ulu'
tuky'i tajwalil, ikxji oqet
tyek'u' tajwalil iktza' te
Qtata Dios b'ix kye
txnaq'atz e'okslan ti'j.



Yaji te Jesus oxik tjay Xhpe'y, b'ix tji' xuj te
Xhpe'y atqet tuq tjaq' xnoq'l tzan tpaj yab' tuq
b'ix ajun kyaq tuq ti'j.



Ntons te Jesus owok tmako' tq'ab', b'ix te kyaq
b'eyx owel. Ntons tetz ojaw wa'let b'ix exik
tk'a'cha'.



Yaji qale' ikja'n tuq qxmutx'e', ojetq tuq tz'ex te
q'ij, kye xjal eb'ajtzaj kyeq'i' kyaqil kye yab' tuky'i
Jesus b'ix ax eb'ajtzaj
kyeq'i' xjal aj ateqex
tuq malspirit tuj
kyanim. Kyaqil kye xjal
tuj amaq' eb'ajpon
kchimo' kyib'
twitz tjay Simon.



Te Jesus ky'ila'j xjal ti'chq tuq kyyab'il eb'ajqet
tq'ana' b'ix ax ejatz teq'i' malspirit tuj kyanim
ky'ila'j. Aj man nkyejatz teq'i' tuq kye malspirit, te
Jesus k'onti'l ostzoqpij tzan kyyolin ti'j tetz tzan
tpaj kyotzqi'ky tuq.



Kkyaqil tuq kye xjal kygan tuq tzan tok kymako' te
Jesus tzan tpaj at tuq jun tajwalil tzan tq'anana b'ix
oj tok kymako' n'el tuq te kyyab'il.




Ntons, man tuq npakb'an te Jesus Tyol Dios
kyuky'i'l, kypon kaj ichan, tano' tuq jun yab'
kyitza'. Te yab' kamnaq tuq toq.



Komo k'onti'l ob'antik kyox tuj
te jay tzan kypaj kye xjal ojetq
kyenoj tuj, mejor eb'ajjax
twi' jay b'ix ojaw kypuju'
jun pedas twi' te jay tzan
tqex kytumb'a'
te yab'.



Komo te yab' atqet tuq twitz jun
twatb'il, oqex kytumb'a' te yab'
tuj te jay tzan tkyaqon aj
ja' atqet tuq te Jesus.



Yatzun te Jesus, ya ma tz'ok ten kyetz b'an wit'lik
tuq kyk'u'j ti'j, oxik tq'uma'
tetz te yab' ikxjani:

«Last a'ich tey, per ajna'l
ma'tx najslet kyaqil
achoj.» «Pajaw
wa'let, eq'i'x
awatb'il b'ix pax
ajay.» Ntons te yab'
ojaw naj wa'let,
oxik teq'i' twatb'il
b'ix owex tuj te jay
kywitz kyaqil kye xjal.




Ntons, te Jesus ojax tuj bark b'ix kye txnaq'atz
eb'ajjax tuky'i'l. Yaji ojaw jun
nim kyaq'iq' tuj te a' b'ix te a'
owaq'ik tzan tox pulan tuj te
bark b'ix ch'inky tuq
kxik mulan, b'ix te
Jesus nwitan tuq.



Ntons tetz [ojaw k'asik b'ix] oxik tq'uma' ikxjani:
«¿Tistil etetz b'an nkxob'? Etetz nya'tx nim wit'lik
ek'u'j wi'j.» Ya ma xik tq'uma' ikxji, tetz ojaw
wa'let b'ix oxik tmiyo' te kyaq'iq' tuky'i a',
b'ix olumet kyaqil. Kyetz b'an
nkyelab'an tuq, nkyecha'on
tuq kyib'kyib'x
ikxjani: «¿Ab'Itzun ja
xjal ntzani? iKomo te
kyaq'iq' b'ix te a'


nqet kyoksla'!»



Te Qtata Dios nkyeget tgani' kyaqil
xjal twitz tx'o'tx', astilji otzaj
tlajo' te Tk'wa'al aj cha jun tuq,
otzaj tlajo' tzan k'on kyexiknaj kye
aj nkye'okslan ti'j sinoke tzan
kyanq'in te jun-ele'x.



40



60



Kye Aj Rom 3:23

komo kyaqil xjal ejoyon choj tuj twitz, astilji nijunwt
npon iktza' te Qtata Dios tzan tpaj tetz nim
xhchqitz'unal b'ix k'onti'l xhchoj.

Kye Aj Rom 6:23

Te aj njkamb'a' tzan tpaj te qchoj, a'ox jun jkamiky;
yatzun te aj njkamb'a' tuky'i Qtata Dios, jun qanq'in
te jun-ele'x [tzan tpaj] mojb'a' qib' tuky'i Qajaw
Kristo Jesus.

Kye Ebrey 9:27

Komo iktza'x q'umankaj kyi'j kyaqil xjal, kyaqil
nkyekamik cha jun-el b'ix yaji oxe'l q'uma'
[tzan Qtata Dios] qa at kyil;



Kye Aj Efeso 2:8,9

Tzan tpaj te Qtata Dios b'an galan nab'lin etuky'i'l anke
k'onti'l n'etajo', etetz kolomix titza' toklen wit'let
ek'u'j ti'j; nya'tx tzan tpaj-wit galan a'ix, sinoke a te
Qtata Dios ntk'ulu' etuky'i'l ikxji cha ekotz,
b'ix nya'tx tzan tpaj jun ek'ulb'en galan, ikxji
tzan k'on tqet tjiq'b'a' tib' nijunwt.

Kye Aj Rom 10:9,10

Qa qetz oxe'l jq'uma' tuky'i qtzi' qa a te Jesus Qajawil,
b'ix qa oxe'l qoksla' tuj qanim tuky'i jun tk'u'jlal qa te
Qtata Dios otk'uluj tzan tjaw anq'in junky'el kxol kye
kamnaq, ntons oqokoletel. Komo tuj qanim nqo'okslan
tzan tel in qchoj, b'ix tuky'i qtzi' nxik jq'uma' te [aj
nqoksla'] tzan jkolet.



Stz'ib'en Wa'nch 3:16,17

Te Qtata Dios nkyeget tgani' kyaqil xjal twitz tx'o'tx',
astilji otzaj tlajo' te Tk'wa'al aj cha jun tuq, otzaj
tlajo' tzan k'on kyexiknaj kye aj nkye'okslan ti'j sinoke
tzan kyanq'in te jun-ele'x. Komo te Qtata Dios intzaj
tlajo' wetz aj Tk'wa'al a'in twitz tx'o'tx', nya'tx tzan
txik nswa' xhcho'nal kyi'j kye xjal sinoke tzan
nkolon te kyetz.

Tb'ay U'j Stz'ib'en Wa'nch 5:11-13

Aj ntzani te aj oje tzaj tq'uma': Tetz oje tzaj tsi' jun
qanq'in te jun-ele'x, b'ix te ja qanq'inni tzajnaq tuky'i
te Tk'wa'al. Ab'l aj galan atqet tuky'i te Tk'wa'al Dios,
at jun tanq'in; yatzun te aj nya'tx galan atqet tuky'i te
Tk'wa'al Qtata Dios, k'onti'l jun tanq'in. Wetz nqet
ntz'ib'a' kyaqil ntzani te etetz aj nkx'okslan ti'j
Tk'wa'al Qtata Dios, tzan tok echa'o' at
jun etanq'in te jun-ele'x.



Stz'ib'en Matey 8-9; Stz'ib'en Mak 1-2, 4;
Stz'ib'en Luks 4, 8; Stz'ib'en Wa'nch 2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: E. Frischbutter, Sarah S.

Tektiteko NT (ttc) © 2003, Wycliffe Bible
Translators, Inc. All rights reserved.

<https://live.bible.is/bible/TTCWBT/MAT/1>

©2026 Bible for Children, Inc.

www.M1914.org

www.bibleforchildren.org

